

միակ պահապան մի կը հսկէ, այն երբեմն փառա-
տեսիլ վանքին տխրատեսիլ և ծեփաթափ որմոց
վրայ, որոց ստուերին տակ կը հանդէին վանքին սըր-
բասուն հիմնադրաց ոսկերք, դարևոր կնճնիք, կաղա-
մախք, նշգարիք և հացիք հաստաբետ բուներովն,
վկայք անցեալ փառաց, կարծես այժմ կ'ողբան վան-
քին ամայութեան վրայ՝ երբ յանկարծ գերեզմա-
նական լռութեան մէջ կը փչէ քամին: Այլ կրկին
անապակ ջրերով յորդառատ լուսադիւրք՝ անտար-
բեր անցեալ և ներկայ վիճակի վանացս՝ իրենց սառ-
նորակ ջրերով միակերպ կը հոսին: Վանքիս արժա-
նավայել գաղափար մի տալու համար ընթերցողաց,
'ի մէջ կը բերեմք Յակոբ վարդապետի կաֆայեցոյ
գրած տողերը, որ բաղդ ունեցել է ակնատես վկայ
լինելու վանքիս փառացն և ճոխութեան (1694):

Կամաւ Սուրբ Հոգւոյն ոմն գիտնական,
Յովհաննէս անուն շնորհիւ պետական,
Լեալ նա յաշխարհէն մեծ Սեբաստական,
Կանգնեալ հաւատով զվանքս Սուրբ Նշան:

Ունելով ընդ իւր գիտյալն փըրկչական,
Եկեալ 'ի յաշխարհս փառօք մեծական,
Ամփոփեալ զմասն խնամօք տեսունական,
Վերականուցեալ զվանքս Սուրբ Նշան...

Բամք ժողովրդոց մեծ և փոքրկան,
Անչափ բարութեամբ առ 'ի քեզ ուխտ գան.
Հողով և մարմնով ցնծան և խնդան.
Ապաւէն ազգիս աթոռ Սուրբ Նշան...

Արտաքոյ ներքոյ պատեալ ամրական,
Սըրբատաչ քարիւք ես կամարական.
Մեծ կաթուղիկէ, տուն արքայական,
Ճեմեալ ճեմարան, ճարակ Սուրբ Նշան...